

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Arborem scientiae boni et mali, protoplastis interdictam
ex Gen. II,17**

**Mayer, Johann Friedrich
Ziegra, Georg David**

Vitembergae, 1718

§. 16.

[urn:nbn:de:bsz:31-130464](#)

monstrare, quam grave peccatum fuerit, comedere de hac arbo, egerunt de eo jam Magnif. Dn. D. Præses, Patronus atque Præceptor meus omni observantia cultu æternum devenerandus, in Disp. de Adami Pœnitentia, B. Gesnerus in cap. III. Genes. quæst. 10. & B. Gerhardus Disp. Isag. XXIII. cap. 4. &c. Conferri etiam hic possunt notata dignissima ea, qvæ Hic Tom. 3. Loc. Th. de Lege Dei §. 16. 24. solide & erudite adducit de decem præceptorum vestigiis, adcoqve de præceptis Legis Moralis ante Molæ in Genesi fundata.

§. 16. Qualis vero vel cuius speciei hæc arbor fuerit, qværant hic nonnulli. Mahometani in Alkorano suo tradunt, fructum illum, in quo prævaricati sunt Protoplasti, non arboris cuiusdam, sed triticum fuisse septem spicarum, quarum unam rapuerit Adam, granorum quinque, de quibus duo comederit ipse, duo dederit Eve, quintum vero secum detulerit. Qvod delirium recitasse est refutasse. Fuisse enim hoc lignum scientiæ boni & mali ex genere arborum, certum est. Nam prorsus, eruditus ait Augustinus de Gen. ad lit. Lib. 8. cap. 6. erat visibile ac corporale sicut arbores ceteræ. Qvod ergo lignum esset non est dubitandum: Sed cur hoc nomen acciperit, reqvirendum. Mibi autem etiam atque etiam consideranti, dic non potest, quantum placeat illa sententia, non fuisse illam arborem cibo noxiæ, neque enim qui fecerat omnia bona valde in Paradiſo insituerat aliquid mali: sed malum fuisse homini transgressionem precepit. Arbor itaque illa non erat mala. Produxit enim omnium rerum Creator, de humo אֱלֹהִים omnium rerum Creator, de humo Creator, ut et pulchrum visu & ad vescendum suave. Lignum etiam vita in medio Paradiſi, lignumque scientia boni & mali, cap. II. v. 9. (Conf. cap. I. v. 11.) וְרָא אֱלֹהִים אֶת כָל אֲשֶׁר עָשָׂה וְהַנֵּה טוֹב (Conf. cap. I. v. 31.) Et vidit Deus cuncta, quæ fecerat, & erant valde bona, cap. I. 31.

§. 17. Theodoretus, Quæst. 28. in Gen. p. 9. statuit, fuisse sicum, (qvod & R. Moses Bar Cepha, Procopius, Isidorus Pelusita, Gennadius, Hugo de S. Victore, docente Magnif. Dn. D. Casatio & B. Gerhardo, Comm. in b. l. volunt,) eandem videlicet, ex
qva